

Pohjois-Saameksi: Mikä on Kodin ja Koulun Päivä?

Mii lea Ruovttu ja Skuvlla Beaivi?

“ Go oaččut skuvllas bovdehusa dáhpáhussii, gánnáha oassálastit!

Máŋggat suomelaš skuvllat lágidit juohke jagi Ruovttu ja Skuvlla Beaivi (*Kodin ja Koulun Päivä*). Dat leat lotka ja friijahámat dáhpáhus, mas vanhemat besset oahpásmuvvat máná skuvllii ja sáhttet deaivvadit oahpaheaddjiid ja eará bargiid, eará vanhemiid ja mánáid. Ruovttu ja Skuvlla Beaivve sáhtát oaidnit, gos ja geainna du mánát gazzet oahpu.

Máŋggat skuvllat dollet dáhpáhusa čakčamánu loahpas, muhto dat sáhtta leat maid eará áigodagas. Dáhpáhus sáhtta leat skuvlabeaivve áigge, eahkedis dahje vahkkoloahpas.

Muhtin skuvllat lágidit dáhpáhussii prográmma, ovdamearkka dihtii dánsunčájáhusa, oktasaš spealuid, stohkosiid dahje lohkama, tuvrra meahccái dahje vaikke sihkkela divvunbeaivvi. Muhtin skuvllat guossohit gáfe ja kánske juoidá borramuša. Muhtin skuvllain sáhtta čuovvut oahpahusa. Bovdehusas mitalit, maid aiddo din skuvllas barget ja goas.

Go oaččut bovdehusa dáhpáhussii, mana roahkkadit mielde. Sáhtát áinnas oassálastit, vaikke it hála suoma-/ruoŋagiela. Jus oaččut dieđu áiggil, sáhtát bivdit friijabeaivvi barggus. Suomas jurddašuvvo, ahte lea vuogas, go vanhemat servet skuvllaid dáhpáhusaide.

Lea ávkkálaš, ahte vanhemat ja oahpaheaddjit dovdet nuppiideaset ja ovttasbarget. Ruovttu ja Skuvlla Beaivi lea álkes vuohki oahpásmuvvat. Lea álkit váldit oktavuoda earáide, go lea deaivvadan njunnálagaid. Mánáide lea dehálaš, ahte sin iežas vanhen lea mielde!

Máŋgga skuvllas lea vanhemiidsearvi. Ruovttu ja Skuvlla Beaivve sáhtát jearrat, leago du máná skuvllas dákkár searvi ja maid sii barget ja mot doaimmaide sáhtta searvat. Buot vanhemat leat buresbohtán vanhemiid searvi doaimmaide! Máŋggat vanhemiidsearvit lágidit Ruovttu ja Skuvlla Beaivi dáhpáhusa ovttas skuvllain.

